

Matchbericht Turnier vom Sonntag 25. März 2018

EHC Railstars


vs

EHC Eisbrecher

7

(4:0,3:1,0:0)

1



Torfolge
1 : 0
2 : 0
3 : 0
4 : 0
5 : 1
6 : 1
7 : 1

Torschütze
Wohlgemuth
Wohlgemuth
Wohlgemuth
Wohlgemuth
Schoch
Pfändler
Schoch

Assist
Kutil

Schoch
Schoch
Kutil
Wieser
Wohlgemuth

Matchbericht:

Saisonändi naht und mir händ nos Abschlussturnier. Wiä immer sind viel debi und mir chönd mit zwei Blöck und ener 3te Sturmreihe spiele. Bier und Wienerli , hämmer au gnuäg und so simmer grüschted für de erschti Matsch. Leider verschlafed mir de erscht Abschnitt komplett und gönd als Verlürer vom Iis. De zweit Abschnitt isch nöd grad besser, verwache dümer erscht bi 5 gäge 3. Dur zwei unterzahl Gool, langets den doch no für de Sieg.

Nach diverse Gspröch und enere Stärkig id de Garderobe, gaz zum zweite Matsch. Markanti Leistigssteigerig wird erwartet. Das Spiel isch den au um einiges härter gspielt worde. Dank em guäte Isatz, chömmer zweimal als Sieger vom Iis. Jetz hämmer eis Spiel Pause und dann gahts um de Final izug. De Franz nütz die glägeheit um am Marcel zum 50zigschte Spiel z'Gratuliere. Mir wänd natürlich jetz am letschte Matsch a knöpfe und de Final schaffe. Aber es isch wieder nöd viel zäme glofe und händ grad zweimal verlore. Das heisst, dur diä zwei Niederlage gege de HC Wülflinge, händ sie euis grad no chöne abfange und sie sind im Final und mir spieled um de 3ti Platz. Für de chli Final, hämmer euis namal Motiviert. Es isch ja au de letschti Matsch vo dere Saison und de wemer no Güne. Mir sind dementsprächend as Werk und sind als verdierter Sieger vom Iis. Mit em dritte Platz chömer nöd wirklich zfriede sii, es wär doch meh dine gläge. Oder so wiäs de Roger Gauchat gseit hät: „ Mir müänd nöd immer s'Turnier güne aber de Final söt scho s'Ziel sii.“

Mir häts Spass gmacht mit eui, das Abschlussturnier dörfe zspiele.

Es wird no es Schiweekend geh und es Schinke ässe bi mir.

Herzliche Dank as Turnier OK und am Töb und em Billy und allne Zuäschaue wo euis unterstütz händ.